



UNIVERSITÄTS-
BIBLIOTHEK
PADERBORN

Universitätsbibliothek Paderborn

In D. Petri Apostoli Epistolam Vtranqve, Heinrychi Bullingeri Commentarius

Bullinger, Heinrich

Tigvri, 1534

Omnibvs Per Germaniam Fratribvs Nomine Christi Euangelijq[ue] afflictis
& exulibus, Heinrychus Bullingerus, gratiam, uitae innocentiam, &
patientiam à Deo patre optat per Iesum Christum.

urn:nbn:de:hbz:466:1-36052

OMNIBVS PER GER- MANIAM FRATRIBVS NOMINE

Christi Euangelijq; afflictis & exulibus, Heinrichus
Bullingerus, gratiam, uitæ innocentiam, &
patientiam à Deo patre optat per
Iesum Christum.

Nisi sancti quotquot ab exordio mundi
uixere uarijs afflictionibus exerciti, in-
numeris obiecti fuissent periculis, me-
rito quidē uices nostras, o fratres, nunc
lugeremus, temporaq; nostra sanè quàm exulcerata
turbidaq; accusaremus, quibus præter meritum solo
ueritatis & Christi nomine persecutionem & dira
odia sustinemus, affligimur, in exilium pellimur, &
qui optime habemus, nullo momento tuti, tanq̃ oues
occisionis reputamur. Verum id illud ipsum est quod
prædixit Dominus, uenturū tempus quo quisquis in Ioan. 16.
terficiat nos uideatur cultum præstare Deo: quò &
apostolus Paulus alludens, Omnes (inquit) qui pie 2. Tim. 3.
uolunt uiuere in Christo Iesu persecutionē patientur.
Porro mali homines et impostores proficiēt in peius,
dum & in errorem abducūt & errant ipsi. Proinde
non infelices admodum in ueritate, licet in mundo
infeliciſſimi, sumus. Siquidem perseuerantibus co-
piosissima est apud Deum merces reposita. De qua

EPIST. AD AFFLICTOS.

cū multis hac epistola agat Petrus, suaq; etatis homi-
nes, mira euidentia ad tolerantia exhortetur, uisum
est ipsam uti nostris illustrata est cōmentarijs, dicare
imò cōmendare uobis omnibus. Scio enim quā gra-
uiter tententur multi. Nam ueterū exemplorū imme-
mores, uel in lege dei nō probe docti, ueritatē religio-
nis uel multitudine uel foelicitate seculari metiuntur:
ut ab eorū parte ueritatē stare autument, apud quos
est uictoria securitas atq; uoluptas, quin & hominum
applausus celebritasq; apud eos aut mendaciū, qui ut
uarijs affliguntur malis, ita paucitate quoq; sunt con-
temptibiles. Sed ea sunt iudicia dei, ut & propheta
nonnunq̃ super hac re cum deo contenderint. Abakuk
enim, Vsq̃ue quo (ait) dōie clamabo, & nō exaudies?
Quare reseruasti me in ista iniusta tempora? Quare
respicis contemptores & taces conculcante impio iu-
stio rem se? Propterea laceratur lex, cumq; impius sic
præualeat egreditur iudicium peruersum. Ceterū ista
quidē iudicio dei iusto relinquamus: nostrū est accu-
rate ueritatē spectare, in hac perseverare, euentū deo
cōmittere. Huc uocat hac epistola Petrus, qua interim
ueram religionē ita propugnat, ut quisq; uel medio-
criter animatus uel nō prorsus stupidi ingenij pro ista
quiduis cupiat & ferre et facere. Nos iam istius sub-
ijciemus Hypothesin. Vobis aut oībus imprecor fir-
mam in pietate constantia & patientia p̃ Christū, cui
soli gloria et honor. Tiguri mense Mar. anno 1534.

Abakuk 1.
Psal. 36.